

「龍粉」鬧「渣哥」難食 對家寸返拖糧

一邊賣「雞翼刺身」另一邊廚房總辭「黃店」為「細餅」互揭黑幕



■「龍門冰室」和「渣哥」粉絲互片。

資料圖片



貴圈真亂

「黃店」食「人血饅頭」食得好滋味，但始終係糖水滾塘魚，自己人經常為咗呢個細餅經常「大打出手」，好似「龍門冰室」粉就不斷同「大渣哥」嘅粉絲嘅網上互揭黑幕。有「龍粉」近排就整咗個所謂「大渣狗美食展2.0」，貼出包括「雞翼刺身」嘅相出嚟寸對方啲野煮唔熟，仲數咗「渣哥」啲野有幾難食。有迫擊「龍門」嘅網民則繼續指控「龍門」刻薄成性兼拖糧，仲話導致幾間分店嘅廚房集體辭職，真係互相展示所謂「食理念」之下嘅糜爛。

■香港文匯報記者 郭家好

「龍門」饅頭張一早就俾「渣家軍」唱衰唱到街知巷聞，好多「黃絲」都話唔再幫襯佢，搞到生意差咗好多。

成日迫擊「龍門」嘅「Anita Wong」喺「倫敦人西先生手記」就連發兩帖，爆料聲稱話今鋪「龍門」大地震。

「龍門」被指一筆勾銷花紅獎金

佢聲言，「龍門」今年1月仲賺緊錢時都cut員工花紅，全年一毫子獎金都有出過畀班員工，而所謂嘅「營業獎金」都係呢人嘅，加上饅頭張7月同各間「龍門」宣布過，話最佳店舖會有獎金，結果又係不了了之，「冇人知道到底邊間係最佳店舖，當然亦冇人攞過一毫子獎金。用『俾（界）獎金』呢啲虛假承諾嚟呢員工同佢賣

命，要找數時一句『營業額不達目標』就將花紅獎金一筆勾銷，吹佢唔服，真係好有『良心』呀『良心老細』！」

「Anita Wong」又爆料，話幾間「龍門」分店嘅廚房亦集體辭職，廚房人手嚴重不足，但饅頭張就只係請返啲收70蚊一個鐘嘅人返嚟頂檔。有網民更話聽過店長叫新人「求×其炒」。

「Anita Wong」就寸「龍門」：「不過諗深一層又係嘅，班『龍門狗』係食理念唔係食味道嘅，橫掂都係煮比狗食啫，求×其煮咪得囉！」

專踩「龍門」嘅網民就興高采烈地留言。

「Steven Law」話：「（『龍門』）距離全線執笠不遠，真心。」「Ape Cheng」恥笑：「『聲門』d（啲）核



■「龍粉」更新「大渣狗美食展2.0」，批評「渣哥」難食。fb截圖

突野（嘢）真係日日新奇單單好笑。」「Ella Wong」亦質疑：「食『理念』，入『聲嘶』比（界）錢打坐咪算囉，使×叫嘢食咩，邪教一樣。」

「渣哥」被揭賣「人血薯條」

與此同時，「龍粉」亦猛咁攻擊大渣哥。「Yan Wong」就喺facebook群组「渣家軍人西炒車事件簿」數臭



■有網民指「龍門」刻薄成性兼拖糧。fb截圖

「大渣狗美食展」，其後再搞所謂「大渣狗美食展2.0」。佢上載咗一批相，話「渣哥」啲太陽蛋連蛋清都係生嘅，雞全翼同碗仔翅都唔夠熟，更形容係「埃塞俄比亞乾柴凍雞全翼」同「單骨雞翼刺身」，更離譜係一碟又唔係好食過人嘅薯條都要成28蚊，簡直就係「人血薯條」。互相咁樣「倒米」法，唔知「黃絲」會唔會轉食其他餐廳算呢？

蟲泰食美心蛋糕「黃絲」「熱狗」互開波



網議政事

「黃絲」凡事帶住仇恨眼光睇睇嘢，搞到香港立立亂。「熱血公民」立法會議員鄭松泰（蟲泰）日前喺facebook貼出自己對住生日蛋糕許願嘅相，有網民就即刻發現嗰個係美心西餅嘅蛋糕，即時走嚟去鬧蟲泰支持「藍店」，仲話從此唔會當佢「民主派」嘅。蟲泰就直接話啲「黃絲」不可理喻。「熱狗」為咗護主，都紛紛大讚美心啲蛋糕好味，仲寸返啲「黃絲」：「轉頭咪又繼續賣寶。」

蟲泰喺fb貼張生日蛋糕相，有人瞬間認得係美心嘅蛋糕，問佢係咪美心，蟲

泰都直認：「係啊，好食。」一句就諗着啲成班「黃絲」。

「Ching Ching」就留言大鬧：「你生日當然有自己選擇，但咁多嘢唔揀（揀），要揀美心，係唔多明擇（擇），事關我以前都會當你係少少『民主派』，而（噉）家唔係了。」仲有人喺邊登討論區開post公審佢。有啲人就話「熱狗」不辦小學雞，你愈叫佢唔好做，佢就愈要做。

鄭：點解黃絲咁不可理喻

咁蟲泰又真係愈俾人鬧愈唔會驚嘅。佢過咗一陣又喺fb出post話，「我親身證實一次，點解『黃絲』大部分時間咁不可理喻」，仲話啲留言「好歡樂」。

佢又反問係咪要打千字文去回應「呢類指訴（控）」，仲似是而非咁話：「今日我生日，梁君彥決定不開展譴責許智峯的議案，決定5點半休會。你一定會問，同我有咩關係？係囉，無架（噪）。智力門檻：90。」

「熱狗」副主席鄭錦滿就話個蛋糕係佢買嘅，仲話「黃絲」唔妥美心創辦人之女伍淑清反暴力嘅立場，但佢嘅美心集團「只係間接持有美心0.17%股份，仲要唔係公司董事！……為咗一個咁細嘅股東去杯葛一間養咁多香港人嘅港資集團？仲有，美心對員工唔差，問吓身邊打美心工嘅朋友吧！」

唔少「熱狗」都出嚟護主。「Kasper Tang」直言：「美心會肯俾（界）慈善

機構拎每晚賣唔走嘅麵包轉贈，唔好話我黑心，肯定大把所謂黃店麵包都唔會肯咁做。」

「Stephanie Pun」就揶揄：「其實好想問依（噉）家黃絲係唔係仍然冇搭港鐵？」「Ting Fung Fung」寸道：「黃屍×人食美心，轉頭就上淘寶。」



■鄭松泰食美心嘅蛋糕俾「黃納粹」批鬥。鄭松泰fb圖片

■香港文匯報記者 甘瑜

攞炒派嗌建東九線「黃絲」：說好的抵制呢？



網議政事

條條例風波期間，攞炒派針對配合警方執法的港鐵，不斷惡意抹黑以至鼓吹罷搭港鐵。不過，所謂「口中說不，身體很誠實」，觀塘、黃大仙及西貢區議會近日分別通過動議，話要一齊爭取政府開展興建東九龍線鐵路項目，包括約見運輸及房屋局局長，仲要採取聯合行動云云。唔少九龍東攞炒派區議員喺facebook發布呢個消息後，有「黃絲」就質疑話：「說好的抵制『黨鐵』呢？」不過，不如問吓「黃絲」有冇搭港鐵先啦！

為配合東九龍半山彩雲道、佐敦谷以及安達臣道等發展計劃，多年前《鐵路發展策略》建議興建一條長約7.8公里嘅東九龍線，鐵路擬定由鑽石

山出發，連接彩雲、順天、秀茂坪、寶達及寶琳站。然而，運輸及房屋局局長陳帆早前透露，港鐵已經完成東九龍線報告，但由於鐵路連接嘅線路過斜，唔適合列車行走，因此港鐵會研究新技術，尋求解決方案，希望可以突破技術上嘅限制。

局長都講到明條路過斜，唔適合列車行走，要交界港鐵研究新技術，但攞炒派區議員就死噤唔放。觀塘、黃大仙及西貢區議會近日分別通過動議，要求政府開展興建東九龍線鐵路項目，而嘅fb發布呢個消息，包括由25個黃大仙區攞炒派區議員共同經營嘅「黃大仙聯合議政」，觀塘區議員胡志偉、梁翹婷、梁凱晴及張敬峯等。


網民問梁凱晴做乜打臉自己

由於呢班攞炒派區議員之前「反港鐵」反到出晒面，突然間又話支持港鐵起多條線，當然會被「黃絲」質疑佢哋係咪跪低咗。「Edward Tsang」問：「說好的抵制『黨鐵』呢？」「Joe Lam」問梁凱晴做乜打臉自己，「搞咩發展『黨鐵』呀女。」

所謂「有求就有供」，攞炒派區議員上任以來只顧討好「黃絲」，現在講要增建鐵路，證明其實唔少口中講「罷搭港鐵」嘅「黃絲」身體好誠實啦！有攞炒派中人話，佢哋所要求嘅東九龍線鐵路項目，係要另外搵人做，唔界港鐵做嘅，咁都得？

「黃絲」質疑攞炒派議員離地

有相對理性嘅「黃絲」就質疑呢班攞炒派議員離地。「Enuj Woowoo」說：「其實理性啲諗，地型（形）真係唔可玩。」「Sandy Lam」亦話：「唔係玩緊模擬城市，係現實中要顧



■觀塘攞炒派區議員梁凱晴支持港鐵興建東九龍線。fb截圖

及地形、地質、還有本來密密麻麻的大廈（廈）下的地基和各種管道。」「Lsha Sha」更道：「如果惹（雲）山起（港鐵），大家要有心理準備，由工程開始至完結，嗰啲打地基打到你屋企幅牆有裂痕、沉降、漏水……你睇惹（雲）山條行人天橋一起完咁快漏晒水就知道幾出色啦！」

■香港文匯報記者 郭家好

「黃店」照賣內地蟹 林進宣傳靠害「手足」



■林進係fb晒出自己食大閘蟹嘅相，俾人寸佢識得食祖國優質蟹。林進fb圖片



網議政事

「黃絲」把口講嘢就肯定冇食嘢咁誠實。「黃色經濟圈」成日標榜要搞「香港製造」，但實情就係搵錢緊要，照搵啲內地貨賣。近排又有「黃店」入咗內地大閘蟹賣，仲有攞炒派區議員林進加持宣傳，唔單止被人揶揄「賣國貨」，仲被質疑間店舖可能係無牌經營。喺鮮美蟹黃面前，「黃絲」粒心變得唔「黃」，但唔知有冇「黑」呢？

攞炒派元朗區議員林進日前就喺facebook貼出自己食大閘蟹嘅相，話間店舖係「手足」開。香港文匯報記者翻查資料發現，間名為「hairycrab2020」嘅「黃店」賣嘅竟然係「太湖大閘蟹」。

網民「Lee Ken」就留言寸佢：「『黃店』的中國大閘蟹真好吃。」「元朗監察議會聯盟」亦喺fb出post揶揄：「『手足』都讀中國蟹貨真價實……做左（咗）議員荷包漲，識食祖國優質蟹。」「Civic Hon Da」亦反問成日乜都要罷嘅「黃絲」：「『黃店』賣中國貨？骨氣何在？」

食環署查是否已領牌

香港文匯報記者嘅日就同個店家查詢是否有牌，但截至截稿佢哋都未覆。食環署嘅日睇回覆香港文匯報查詢時話，會作跟進調查問網店嘅情況，如有足夠證據顯示有人未獲准許售賣限制出售嘅食物會提出檢控，一經定罪，最高可被判款5萬元及監禁6個月，另加每天罰款最高900元。

食環署話，根據《食物業規例》（第132X章）規定，除非獲得該署署長書面准許，任何人不可售賣限制出售的食物，包括介貝類水產動物。銷售大閘蟹的經營者，包括實體店或網上銷售，必須領有該署簽發的介貝類水產動物（大閘蟹）售賣許可證或相關書面准許，有關牌照條件規定出售的大閘蟹必須由可靠和商譽良好的供應商供應，並須備存有相關局簽發且獲該署署長認可的衛生證明書。

■香港文匯報記者 文根茂

教局提供資料建議 助中小學推「國家憲法日」

香港文匯報訊 12月4日是「國家憲法日」。教育局昨日首度向全港中小學發通告，特別為學校舉行的推廣活動提供相關資料和建議。

教育局建議學校當日舉行升旗、區旗及奏唱國歌的活動時，教職員及學生要遵守相關禮儀。就憲法和基本法舉行全方位學習活動，可於早會或周會又或在班主任課，講解憲法和基本法的重點。

倡舉行校內常識問答賽

學校可在壁報板簡介憲法和基本法的歷史背景和介紹國家發展，加深了解國家機構的職權、公民基本權利和義務等，並建議學生就國家近期的發展，例如廣深港高速鐵路、粵港澳大灣區建設等題目，進行專題研習和分享，又建議可舉行校內的常識問答比賽，及參加由教育局課程發展處舉辦的「2020國家憲法日網上問答比賽」，鼓勵學生觀看政制及內地事務局製作的有關基本法的六輯短片作參考。

港台16日起每朝播國歌

香港文匯報訊 香港電台計劃在本月16日開始，每日上午8時在各電台頻道報新聞前播放國歌。港台機構傳訊組總監伍曼儀昨日回應傳媒查詢時表示，根據《香港電台約章》，港台須讓市民認同公民身份、增加市民對「一國兩制」的認識等，故播放國歌是有需要做的。此前，港台電視部在播放新聞前都會播國歌。

灣區律師執業試 須交「兩法」承諾書

香港文匯報訊 國務院辦公廳早前公布容許香港的執業律師和大律師取得內地執業資質後，在內地大灣區九市執業。司法部昨日發布2021年粵港澳大灣區律師執業考試公告。公告表明，香港報名人員報名時須提交本人擁護《中華人民共和國憲法》和《中華人民共和國香港特別行政區基本法》的承諾書。

2021年粵港澳大灣區律師執業考試實行網上報名，報名時間為今年11月16日0時至11月26日24時。報名人員應當在規定期限內登錄司法部網站（www.moj.gov.cn），按照網上報名要求、流程及步驟填報個人信息，逾期不予補報。

同時，公告要求香港報名人員為香港律師會、大律師公會的會員，且職業道德良好，沒有因不良名譽或者違反職業道德受懲處的承諾書。報名人員報名時間截止前已在內地以外具有累計5年以上律師執業經歷的承諾書。